

DECANDRIA DIGYNIA.

3

ceolatae, acutae. *Calyx* uncialis et ultra, gracilis, supra basin aliquantulum constrictus, undique striatus; dentibus rubris, elongatis, acuminatis; squamis quatuor, tubo triplò vel quadruplò brevioribus, obovato-cuneiformibus, apice sulcatis, cuspidatis. *Petalorum* unguis angusti, albi; laminae parvae, obovatae, ultra medium crenatae, albæ, disco levitèr incarnato, imberbi, lineolà centrali rubicundà. *Stamina* exserta, alba. *Germen* cylindraceo-oblongum. *Styli* staminibus subæquales. *Capsula* nobis deest.

a. Calyx.

b. Petalum supernè.

c. Stamina et pistillum.

TABULA 404.

DIANTHUS GRACILIS.

DIANTHUS caulibus unifloris, squamis mucronatis subsenis, petalis crenatis barbatis, foliis acuminatis margine scabris.

In monte Athò. \mathcal{V} .

Caules pedales vel bipedales, simplices, laxè adscendentes, graciles, quadranguli, undique foliosi, glabri, uniflori. *Folia* lineari-lanceolata, acuta, bi-triuncialia, trinervia, glaucescentia, utrinque glabra, margine scabriuscula; inferiora marcescentia, demùm, disco soluto, evanida, nervis et basi relictis. *Flos* erectus, roseus, diametro vix uncialis. *Calyx* haud uncialis, acutè dentatus, a summitate ad medium usque deorsum sulcatus, cæterum lævis. *Squamæ* quatuor, vel, e bracteis forsitan subjunctis, interdum sex, elliptico-oblongæ, apice striatæ, acumine tenui, siccitate patenti. *Petalorum* unguis virentes, supernè sensim dilatati; laminae cuneiformes, inæqualitèr dentatæ, basi barbatae; subtùs pallidæ. *Stamina* et *pistillum* receptaculo proprio elevata, albida, unguibus longiora.

a. Flos subtùs conspectus.

b. Petalum e parte superiori.

c. Stamina cum pistillo et receptaculo proprio.

d. Pistillum seorsim.

TABULA 405.

DIANTHUS LEUCOPHÆUS.

DIANTHUS caulibus unifloris, squamis quaternis, petalis tridentatis imberbibus, foliis ovato-lanceolatis basi quinquenervibus.

In montis Olympi Bithyni summitate. \mathcal{V} .

Radix lignosa, altè descendens, longissima, teres, nodosa; supra ramosissima, multiceps. *Caules* caespitiosi, palmares, erecti, vel adscendentes, simplicissimi, densè foliosi, qua-